

續  
文  
獻  
通  
考

續文獻通考卷之二百五十一

皇明進士雲間王圻纂輯

仙釋考 釋家法嗣四

青原下一世思禪師法嗣

南嶽石頭希遷陳禪師瑞州高要人衡山寺東有石臺結庵其上故名石頭嘗夢與六祖同乘一龜游泳深池詳之曰與祖師同乘靈智遊性海矣遂著叅同契貞元六年寂德宗謚無際大師

青原下二世石頭遷禪師法嗣

澧州藥山惟儼禪師絳州韓氏子一日自嘆曰大丈夫當離法自淨安能屑屑事細行干布巾耶披榛結庵有魄

飲食者並謝不受曰吾日食米一升足矣李翱嘗贈以詩曰選得幽居愜野情終年無送亦無迎有時直上孤峰頂月下披雲繡一聲太和八年寂文宗謚弘道大師鄧州丹霞天然禪師將入長安應舉有禪者問何往曰選官去禪者曰選官何如選佛師悟遂謁馬大師復叅石頭得佛旨長慶四年寂寶曆初謚智通禪師湖州靈山大顓寶通禪師侍者三平言佛法省要處先以定動後以智授韓文公亦善其語

潭州大川禪師

潭州長髯曠禪師

京兆府戶利禪師

潭州招提寺慧朗禪師

長沙興國寺振朗禪師

汾州石樓禪師

鳳翔府法門佛院禪師常持一串珠念三種名號一釋迦  
二元和三佛陀乃過一珠終而復始時人莫測

水空和尚

澧州大同濟禪師

荊州天皇道悟禪師婺州東陽張氏子素無迎送客無貴  
賤皆坐而揖僕射裴公愈加歸向元和二年寂時有兩  
道悟禪師上是江陵城東天皇寺叶律符載撰塔銘又  
江陵城西天皇寺道悟禪師渚官人崔子玉之後嗣馬  
祖元和十二年寂正義大夫丘玄素撰塔銘佛通有辯  
今兩載之

青原下三世藥山儼禪師法嗣

潭州道吾山宗智禪師豫章海昏張氏子藥山口法身還

具四大也無師口性地非空空非性地此是地大三大亦然大和元年寂謐修一大師塔曰實相宗智佛通作圓智

澤州雲巖曇晟禪師鍾陵建昌王氏子嘗問僧何來曰石上語話來師曰石還點頭否僧無對師自代曰未語話時却點頭會昌元年茶毗得舍利千餘粒焚于石塔謐無住大師

秀州華亭船子德誠禪師嘗操小舟隨緣度日接四方往來者故號船子和尚有偈口千尺絲綸直下垂一波纔動萬波隨夜靜水寒魚不食梢船空載月明歸別人祇看林花客香氣常粘袖指風兩岸映一船紅何曾解染

得虛空問我生涯祇是船子孫各自賭機緣不由地不由天除却蓑衣無可傳後得與夾山法語覆舟入水而逝唐咸通中僧臧暉即其覆舟處建寺

宣州枰樹慧省禪師

鄂州百巖明哲禪師

澧州高沙彌

青原下三世丹霞然禪師法嗣

京兆府翠微無學禪師

吉州孝義寺性空禪師

米倉和尚

丹霞山義安禪師

本童和尚

青原下三世大川禪師法嗣

潯天禪師

福州普光禪師

青原下三世大顛通禪師法嗣

漳州二平山義忠禪師福州楊氏子初叅石鞏鞏常張弓  
架箭接機師詰法席鞏曰看箭師乃撥開胸曰此是殺  
人箭活人箭鞏彈弓弦三下師乃禮拜鞏曰三十年張  
弓架箭只射得半箭漢後叅大顛得其宗旨王諷碑云  
麗水人學者三百人卒年九十二有真身塑像在六安  
院存破衲若禪翼藕絲其徒寶之

馬頰山本空禪師頌曰心是性體性是心用心性一如誰  
別誰共妄外迷源祇是難洞古今凡聖如幻如夢

本生禪師有僧稱師低處平之有餘高處觀之不足師曰  
節目上更生節目

青原下三世長髭曠禪師法嗣

潭州石室善道禪師嘗言十二行中嬰兒行為最

青原下三世天皇悟禪師法嗣

澧州龍潭崇信禪師渚官賣餅家子勤服天皇左右恨不  
指示心要皇曰汝煎茶來吾為汝接汝行食來吾為汝  
受汝和南來吾便低首何處不指示心要師當下開解  
青原下四世道吾智禪師法嗣

潭州石霜山慶諸禪師新淦陳氏子嘗抵瀉山為米頭一  
日篩米瀉山于地下拾得一粒曰莫輕這一粒百千粒  
盡從這一粒生師曰百千粒從這一粒生未審這一粒  
從何生瀉大笑後叅道吾得道光啓四年寂謐並會禪  
師



潭州漸源仲興禪師

綠清禪師

青原下四世靈巖晟禪師法嗣

永州杏山鑒洪禪師

潭州神山僧叅禪師

幽谿和尚

青原下四世船子誠禪師法嗣

澧州夾山善會禪師廣州廖氏子嘗言金粟之苗裔舍利之真身問象之玄談是野狐窟宅中和元年寂謐傳明大師

青原下四世翠微學禪師法嗣

鄂州青平山安樂院令遵禪師東平人天祐十六年寂謐法喜禪師

尉州投子山大同劉禪師懷寧人僧問枯木中還有龍吟也無師曰我道髑髏裏有獅子吼乾化四年寂謚慈濟大師

安吉州道場山如訥禪師目有重瞳手垂過膝自翠微受訣止此山薙草卓庵學徒四至廣闡法化遂成叢社建州白雲山約禪師

青原下四世孝義性空禪師法嗣

欽州茂原禪師

棗山光仁禪師

青原下四世龍潭信禪師法嗣

鼎州德山宣鑒周禪師簡州人聞南方直指人心見性成佛之教欲滅其種類以報佛恩遂擔䟽鈔出蜀至澧陽

續文獻通考

卷之三百五

五

三十八

華

路上與婆子買餅作點心婆子問金剛經云過去心不可得現在心不可得未來心不可得未審上座點那箇心師無語往叅潞山未見便出山曰此子已後向孤峰頂上盤結草庵呵佛罵祖去也後止德山精舍大闡宗風咸通六年寂謐見性佛師佛通作朗州德山

洪州泐潭寶峰和尚

青原下五世石霜諸禪師法嗣

潭州大光山居誨禪師京兆人初造石霜長坐不卧麻衣草屨忘身為法

瑞州九峯道虔禪師福州人住潭泐而終謚大覺禪師

台州湧泉景欣禪師泉州人嘗言吾四十九年在此尚有

走作諸人莫開大口見解人多行解人萬中無一  
潭州雲蓋山志元圓淨禪師嘗于馬王前問道正曰爾本  
教中說恍恍惚惚其中有物是何物杳杳冥冥其中有  
精是何精道正茫然便禮拜因此道士更不紛紜

潭州谷山藏禪師

潭州雲中蓋禪師

河中南際山僧一禪師終于長慶謚本淨大師

廬山棲賢懷佑禪師泉州人僧問如何是祖師西來意曰  
井底寒蟾天中明月

福州覆船山洪薦禪師謚紹隆大師

鼎州德山存德慧空禪師 吉州崇恩禪師

石霜暉禪師僧問世尊先度五俱輪和尚何不度曰為伊

不是五俱輪

郢州芭蕉禪師

潭州肥田慧覺伏禪師

潭州鹿苑暉禪師

潭州寶蓋約禪師

越州雲門山極迷寺海晏禪師

潭州雲蓋禪師

湖南文殊禪師

鳳翔府石柱禪師

河中府棲巖山大通院存壽禪師平居罕言叩之則應謚

真寂禪師

南嶽玄泰禪師沉靜寡言未嘗衣帛時號泰布衲始見德  
山升空後謁石霜遂入室焉四方後進依附皆用交友  
禮寂後闍維收舍利建塔于迎雲亭側

邵武軍龍湖普聞禪師唐僖宗太子中和中斷髮隱逸人

無知者居邵武十餘年有一老人拜謁曰余乃龍也上天罰行雨不職當死願垂救護俄失老人所在旁有一小蛇延緣入袖至暮雷電震山風雨交作師危坐不傾達旦晴霽垂袖蛇墮地去有頃老人復來謝因穴巖下為泉以報恩今號龍湖是也寂後謚圓覺禪師

青原下五世夾山會禪師法嗣

澧州洛浦山元安禪師麟遊人夾山將寂時語曰石頭一枝看看滅矣師曰不然他家自有青山在山曰苟如是即吾宗不墜

袁州蟠龍山可文禪師

撫州逍遙山懷忠禪師

撫州黃山月輪禪師福唐許氏子嘗言道從門人不是家

珍認影迷頭豈非大錯同光三年寂塔于院之西北隅  
洛京韶山寰普禪師謚無畏禪師

洪州上藍令超禪師大順中齋畢聲鐘端坐長往謚元貞  
禪師

鄆州四禪禪師 太原海湖禪師

嘉州白水禪師 鳳翔府天蓋山幽禪師

青原下五世清平遵禪師法嗣

新州三角山令珪禪師

青原下五世投子同禪師法嗣

投子感溫禪師 福州牛頭山微徑師

興州青城香山登照禪師 陝府天福禪師

興元府中梁山遵古禪師 襄州谷隱禪師

安州九巖山禪師

北幽州盤山一世禪師

九巖敬慧禪師僧問解脫深坑如何過得師曰求過亦非  
東京觀音院嚴俊禪師邪臺廉氏子嘗經鳳谷深林忽覩  
珍寶捨去不顧謁投于于問昨夜宿何處曰不動道場  
孔子曰既言不動曷由至此師曰至此豈動耶投子默許  
之周高祖世宗二帝潛龍時每登方丈施禮及即位特  
賜紫衣署淨戒大師

濠州思明禪師

自鳳翔府招福禪師

青原下五世德山監禪師法嗣堂

鄂州巖頭全義禪師泉州柯氏子夾山嘗曰有霜雖有殺



人刀且無活人劍巖頭亦有殺人刀亦有活人劍有僧問起滅不停時如何師喝曰是誰起滅光啓三年四月八日為盜所刼門人焚之獲舍利四十九粒衆為起塔謚清嚴禪師

福州雪峯義存禪師泉州曾氏子嘗路逢獼猴曰人人有一面古鏡這獼猴亦有一面古鏡梁開平中寂壽八十七懿宗賜號真覺大師

洪州感潭資國禪師

天台瑞龍慧恭禪師福州羅氏子明

襄州高亭簡禪師參絕山隔江纔見便云不審山乃埽扇招之師忽開悟乃橫趨而去更不回頭也

泉州瓦棺和尚

青原下六世大光誨禪師法嗣

潭州谷山有緣禪師

潭州龍興禪師

潭州伏龍山一世禪師

京兆白雲善藏禪師

伏龍山二世禪師

陝府龍峻山禪師

伏龍山三世和尚

潭州藤霞禪師

青原下六世九峰處禪師法嗣

新羅國清院禪師

洪州泐潭神黨禪師

袁州南源行修慧觀禪師

泐潭明禪師

吉州禾山禪師

洪州泐潭匡悟禪師

初潭延茂禪師聞鵲聲請衆曰喜鵲鳴寒僧心印是渠傳

續文獻通考

卷之三百五

九

三百廿文

吉州禾山無殷禪師福州吳氏子江南李氏召問曰和尚何處來師曰禾山來曰山在甚處師曰人來朝鳳闕山嶽不曾移國主重之時號澄源禪師宋建隆元年寂謐法性禪師

洪州泐潭牟禪師

洪州鳳棲同安院常察禪師

青原下六世涌州欣禪師法嗣

台州六通院紹禪師

青原下六世雲蓋无禪師法嗣

潭州雲蓋山志罕禪師

新羅國卧龍禪師

彭州天台山澄禪師

青原下六世谷山藏禪師法嗣

新羅國瑞巖禪師

新羅國百巖禪師

新羅國大嶺禪師

青原下六世中雲蓋禪師法嗣

漳州雲蓋山證覺景禪師 吉州禾山思陰禪師

幽州柘溪從實禪師

青原下六世洛浦安禪師法嗣

蘄州烏牙山彥賓禪師 鳳翔府青峰傳楚禪師涇州人

京兆府永安縣善靜禪師郡之王氏子有僧辭洛浦浦曰

四面皆山向何處去僧不對師時為園頭代為措語曰

竹密豈妨流水過山高那阻野雲飛師甚喜後知其為

園頭語對衆稱曰莫輕園頭他日座下有五百人後住

永安果應寂後證淨悟禪師

鄧州中度禪師嘗言金雞常報曉時人自不聞

嘉州洞谿戒定禪師 京兆府卧龍禪師

青原下六世逍遙忠禪師法嗣

泉州福清院師魏通玄禪師 泉州府白雲無休禪師

青原下六世蟠龍大禪師法嗣

廬山永安淨悟禪師

袁州木平山善道禪師肉髻螺紋南唐保大中至金陵知  
人禍福生死所言輒驗元宗召見于百丈樓樓制宏壯  
木平曰此宜觀火人不喻其意後淮南兵起嘗登此樓  
望峰堠以觀動靜及元宗問慶王壽命木平書九十二

字與之後十九年卒法眼禪師有偈贈曰木平山裏人  
貌古言復少相看陌路同論心秋月皎懷衲綠非垂助  
歌聲有鳥城闕今日來一漚曾已曉戒後門人建塔謚  
真寂禪師

崇福院志禪師

陝府龍溪禪師

青原下六世黃山輪禪師法嗣

郢州桐泉山禪師

青原下六世韶山普禪師法嗣

潭州文殊禪師

睢州密行禪師

青原下六世思明禪師法嗣

襄州慈覺禪師

青原下六世巖頭禪師法嗣

台州瑞巖師彦禪師聞之許氏子嘗微坐磐石終日如愚  
每自喚主人爲養應喏乃曰惺惺著後莫受人謾一日  
有村媪作醢師令速回救數千物命媪回見兒婦拾田  
螺歸送與之水濱遊後塔于本山謚空照禪師

懷州玄泉彦禪師 福州羅山道閑禪師長溪陳氏子

福州香溪從範禪師偈曰迦葉上行衣披來須捷機纔分  
招的箭密語不藏龜

福州聖壽巖禪師補衲次僧叅師提起示之曰山僧一衲  
衣長似衆人見雲水兩條分莫教露針線

吉州雲巖慧宗禪師福州陳氏子

青原下六世雪峰存禪師法嗣

雲門文偃禪師嘉禾人姓張氏少時徧遊方外遂得道于  
雪峰禪師本太宗朝謚康真洪明禪師

福州玄沙師備宗一禪師閩之謝氏子初號苦竹頭陀應  
機敏捷大開玄學嘗聞燕子聲曰深談實相善說法要  
一日侍雪峰遊山雪峰曰世界濶一尺古鏡濶一尺世  
界濶一丈口鏡濶一丈師指火爐曰火爐濶多少峯曰  
如古鏡濶師曰老和尚脚跟未點地在梁開平中寂壽  
七十有五國主為樹塔謚宗一禪師

福州長慶慧寂孫禪師監官人往來雪峯玄沙二十餘年  
坐破七箇蒲團不明此事一日捲簾忽大悟頌曰也大



差也大差捲起簾來見天下有人問吾解何宗拈起拂  
子劈口打問師請居長樂府西院秦額曰長慶號超覺  
大師後唐長慶三年寂王氏建塔

漳州保福院從展禪師福州陳氏子

福州鼓山神安興聖國師大梁李氏子年十二時有白氣  
數道騰於所居屋壁師題口白道從茲速改張休來顯  
現作妖祥延祛邪行歸真見必得超凡入聖鄉題罷氣  
隨滅後來雪峯峰觀其舉止曰子作道理耶師曰何道  
理之有僧問佛法大意曰金鳥一點萬里無雲

杭州龍華寺靈照直覺禪師高麗人居世一衲闍中號照  
布衲僧問菩提樹下度眾生如何是菩提師曰大似

苦棟樹僧問故曰素非良馬何勞鞭策天福丁未寂塔  
於杭之大慈山

明州翠巖令叅永明禪師安吉州人

越州鏡清寺道愆順德禪師永嘉陳氏子嘗于看經次有  
僧問看何經師曰吾與古人鬪百草問僧外面何聲曰  
蛇咬蛙聲師曰將謂衆生苦更有苦衆生僧問如何是  
人無心合道師曰何不問道無心合人白雲乍可來青  
嶂明月那教下碧天晉天福中寂塔于龍冊山

漳州報恩院懷獄禪師泉州人

福州安國院弘瑫明真禪師泉州陳氏子僧問不落因緣  
方便事如何師曰枯樸之士頻逢抱甕之流罕遇問如

何是高尚的人師曰河濱無洗耳之叟磻溪絕垂釣之人

泉州睡龍山道溥弘教禪師福唐鄭氏子僧問近入叢林  
方便門中乞師指示師敲門枋問向上還有事否師再  
敲門枋

南嶽金輪可觀禪師福唐薛氏子初參雪峯作禮峯令近  
前一踢師忽契悟事十二年復歷叢林對衆言我遭雪  
峯一踢直至如今眼不開不知是何境界

福州大普山玄通禪師本郡人

福州長生山皎然禪師本郡人閩帥署禪主大師莫知所  
終

信州鵝湖智昇禪師福州人

杭州西興化度院師郁悟真禪師泉州人僧問維摩與文殊對談何事曰惟有門前鏡湖水清風不改舊時波

漳州隆壽紹卿興法禪師泉州陳氏子

福州儒宗院行瑄仁慧禪師泉州王氏子

福州蓮花院從弁超証禪師

萊州雲蓋雙泉院歸本禪師京兆人手指纖長特異于人號手相大師

韶州泉州和尚

洛京南院和尚時有儒者博覽古今呼張百會謁師師問莫是張百會否曰不敢師以手空中一畫曰會否曰不

會師曰一尚不會何得百會

越州洞巖可休禪師僧問如何是和尚親切為人處師曰  
大海不宿死屍

定州法海院行周禪師僧問風恬浪靜時如何師曰吹倒  
南牆

杭州龍井山通禪師僧究龍井龍而問龍有宗門事否師  
曰有從來無影段應物不曾虧

杭州龍興宗靖禪師台州人初參雪峯充飯頭嘗於衆堂  
前袒一膊釘簪簪覩而記曰汝向後住持有千僧其中  
無一人衲子也後錢王命居龍興寺有衆千餘惟三學  
講誦之徒果如雪峯所誌

福州南禪契璠禪師嘗語衆曰衆中有超第一義者將一  
問來僧問如何是第一義師曰何不問第二義僧曰見  
問師曰已落第二義矣

越州越山師鴈鑒真禪師初參雪峯後圓王請于清風樓  
齋忽覩日光豁然頓曉偈曰清風樓上赴官齋此日平  
生眼豁開方信普通年遠事不從慈嶺帶將來歸呈雪  
峯峯然之臨寂偈曰眼光隨色盡耳識逐聲消還源無  
別旨今日與明朝

泉州福清院玄訥禪師高麗人

衢州南臺仁禪師

泉州東禪和尚

杭州大錢山從鵲禪師雪峯上足也嘗曰擊闌南鼓唱雪峯歌

福州永泰和尚

池州和龍壽昌院守訥妙空禪師福州林氏子

建州夢筆和尚閩王問將得筆來否師曰不是稽山鐵管慙非月裏兔英大王既垂顧問山僧敢不通呈

福州極樂元儼禪師

福州芙蓉山如體禪師僧問如何是古人曲調師良久曰聞乎曰不聞示偈曰古曲發聲雄今時韻亦同若教第一指祖佛盡迷蹤

洛京慈鶴山和尚

潭州大為山棲禪師

吉州銅山延宗禪師

益州普通山普明禪師

隨州雙泉山梁家厓永禪師

漳州保福院超悟禪師

太原孚上座初在揚州光孝寺講涅槃經有禪者笑其未識法身遂徧歷諸方雪峯深器之後歸維揚陳尚書供養於宅一日講大涅槃經報答便乃脫去

南嶽般若惟勁實國禪師福州人嘗註楞嚴經續寶林傳四卷紀貞元之後宗門繼踵之源流又別著南嶽高僧傳皆行世

青原下六世感通資國禪師法嗣

安州白兆志圓顯教禪師僧問諸佛心印何人傳師曰達摩大師曰達磨孰能傳得師曰汝道何人傳



青原下七世潭州霞禪師法嗣

澧州藥山禪師

青原下七世雲蓋景禪師法嗣

衡嶽南臺寺藏禪師

潭州雲蓋山證覺禪師

青原下七世烏牙宿禪師法嗣

安州大安山興古禪師

蘄州烏牙山行朗禪師

青原下七世青峯楚禪師法嗣

西州靈龜禪師

京兆府紫閣山端已禪師

房州開山懷書禪師

幽州淨法禪師

益州淨衆寺歸信禪師

青峯山清勉禪師

青原下七世瑞巖彦禪師法嗣

南嶽橫龍和尚僧問如何是祖師燈師曰八風吹不滅  
温州瑞峯院神洙禪師福州人偈曰蕭然獨處意沉吟誰  
信無絃發妙音終日法堂惟靜坐更無人問本來心朋  
彥即問如何是本來心師召朋彥朋彥應諾師曰與老  
僧點茶來彥于是信入

青原下七世玄泉彥釋師法嗣

鄂州黃龍山誨機超慧禪師清河張氏子初參巖頭後謁  
玄泉知祖師西來意總是解粘僧問如何是大疑人曰  
對坐盤中弓落蓋問如何是不疑人曰再坐盤中弓落  
蓋

洛京栢谷和尚僧問普滋法雨時如何曰有道傳天位不

汲鳳凰池

懷州玄泉二世和尚

潞府妙勝玄密禪師

青原下七世羅山閑禪師法嗣

婺州明招德謙禪師受羅山印記靡滯一隅有頌示衆曰  
明招一拍和人希此是真宗上妙機石火瞥然何處去  
朝生之子合應知臨化偈曰鷲刀叢裏逞全威汝等諸  
人善護持火裏鐵牛生犢子臨岐誰解奏吾機

洪州大寂院隱微覺寂禪師新淦楊氏子七歲依本邑道  
堅禪師出家後參羅山問獅子窟出窟之要古悟回  
江表龍泉宰李孟俊請居善道院闡揚宗旨

衡州華光範禪師

福州羅山紹攷禪師

西州定慧禪師

建州白雲令弁禪師

虔州天竺義澄常真禪師

吉州清平惟曠真寂禪師

婺州金柱山義昭禪師偈曰虎頭生角人難措石火電光  
須密布假饒烈士也應難懣底那能解回互

潭州山谷和尚

湖南道吾從盛禪師

福州羅山義因禪師

灌州靈巖和尚

吉州匡山和尚示徒頌曰匡山路匡山路巖崖險峻人難  
措遊人擬議隔千山一句分明超佛祖白牛頌曰我有  
古壇直白牛父子藏來經幾秋出門直往孤峯頂回來  
暫跨虎谿頭

福州興聖重滿禪師

潭州寶應清進禪師

青原下七世玄妙偈禪法嗣

漳州羅漢院桂琛禪師常山李氏子童時日一素食出言有異既冠事本府萬歲寺無相大師披剃一日言曰持戒但律身而已非真解脫也依文作解豈發聖智於是訪南宗初謁雲居雪峯猶未有見後造玄沙廓爾無感僧問如何是羅漢一句師曰我若說與汝便成兩句問會的人來師還接否師曰誰是不會者舉拂子示僧曰會否僧謝慈悲示教師曰舉拂子便道示教汝每日見山見水可不相示天成三年寂茶毗收舍利建塔于院之西隅謚真應禪師

杭州天龍寺重機明真禪師台州人得法玄沙復回浙中

錢武肅王請出世間法頌曰盲聾瘖瘂是仙陀滿眼時人不柰何須向目前深體妙身心萬象與森羅

福州仙宗院契符讚法禪師 婺州國泰院珣禪師

福州升山台龍院道希禪師本郡人清問如何是真正道師曰騎驢覓驢

福州安國院慧球寂照禪師莆田人示衆曰若從文殊門入者一切無為土木瓦礫助汝發機若從觀音門入者一切音響蝦蟇蚯蚓助汝發機若從普賢門入者不動步而到以此三門方便示汝

衡嶽南臺識禪師

福州螺峯冲與明法禪師嘗言人人具足人人成現爭怪

得老僧珍重

泉州瞻龍山和尚

天台山雲峯光緒至德禪師上堂曰但以衆生日用不知譬如三千大千世界日月星辰江淮河濟一切含靈從一毛孔入一毛孔毛孔不小世界不大其中衆生不覺不知若覓易會上座日用亦復不知

福州大章山契如庵主本郡人玄沙記曰子禪已逸格則他後要一人侍立也無隱于小界山大朽杉穴若小庵然僅容身而已豺虎至庵前自馴馴述

福州蓮華山永興神祿禪師

天台國清寺師靜上座有人問弟子每當夜坐心念紛飛

未明攝伏之方頌垂示誨師曰如或夜間安坐心念紛  
飛却時紛飛心究紛飛處究之無處則紛飛之念何存  
反究究心則能究之心安在又能照之智本空所緣之  
境亦寂寂而非寂者無能寂之人也照而非照者無所  
照之境也境智俱寂心處安然外不尋枝內不住處二  
途俱泯一性怡然此乃還源之要道

青原下七世長慶稜禪師法嗣

泉州招慶院道匡禪師潮州人

婺州報恩院寶資耽悟禪師處州翠峯從欣禪師

襄州鷲嶺朗遠禪師杭州保安連禪師

杭州龍華寺彥球實相得一禪師



福州保慈寺光雲慧覺禪師

廬山開先寺紹宗員智禪師姑蘇人

杭州傾心寺法瑄宗一禪師 福州水陸院洪儼禪師

杭州靈隱寺廣嚴院咸澤禪師

福州報慈寺慧朗禪師 福州長慶院常慧禪師

福州枕峯觀音院清換禪師

福州石佛院靜禪師 福州東禪契訥禪師

福州長慶院弘辯妙果禪師 福州僊宗院守玘禪師

福州東禪院可隆了空禪師 福州閩山令含禪師

福州永安懷烈淨悟禪師 新羅國龜山和尚

福州資國院道殷禪師 福州祥光院澄靜禪師

杭州報慈寺從球禪師福州陳氏子

杭州龍華寺契盈廣辯周智禪師

青原下七世保福展禪師法嗣

潭州延壽寺慧輪禪師

潭州保福可儔禪師

舒州海會院如新禪師

洪州潭江慧廉禪師

福州報慈寺文欽禪師僧問如何是平常心合道師曰契  
茶喫飯隨時過看水看山實暢情

泉州萬安院清運資化禪師

泉州鳳凰山從琛洪忍禪師

洪州青泉山守清禪師福州人

福州永隆院明慧瀛禪師 漳州報恩院道熙禪師

續文獻通考

卷之三百五

三

漳州報恩院行崇禪師

漳州嶽麓山和尚

漳州德山德海禪師

泉州後招慶和尚僧問末後一句請師商議師曰塵中人  
自老天際月常明問如何是和尚家風曰一瓶蕪一鉢  
隨處是生涯問如何是佛法大意曰擾擾忽忽晨雞暮  
鐘

泉州梁山間禪師

洪州建山澄禪師僧問如何是法王劍師曰可惜許又問  
如何是人王劍師曰塵埋床下履風動架頭巾

漳州招慶院省澄淨修禪師示坐禪者曰大道分明絕點  
塵何須長坐始相親或遊泉石或闌闌可謂烟霞物外

人

福州康山契穩法寶禪師

泉州兩明院琛禪師

青原下七世鼓山晏國師法嗣

杭州天竺子儀心印水月禪師樂清陳氏子

建州白雲智作直敘禪師永真朱氏子

鼓山智嚴了覺禪師

泉州鳳凰山灋禪師

福州龍山智嵩妙虛禪師

福州龍山文義禪師

福州鼓山智岳了宗禪師本郡人

襄州定慧禪師

福州鼓山清諤宗曉禪師

金陵淨德院冲照慧悟禪師福州和氏子

續文獻通考

卷之三百五

三十五

三十五

金陵報恩院清護崇恩妙行禪師福州長樂陳氏子六歲  
禮鼓山披剃僧問諸佛出世天花亂墜和尚出世有何  
祥瑞師曰昨日新雷發今朝細雨飛

青原下七世龍華照禪師法嗣

台州瑞巖師進禪師

台州六通院志球禪師

杭州雲龍院歸禪師

杭州功臣院道閑禪師

福州報國院照禪師

台州白雲院璣禪師

青原下七世翠巖叅禪師法嗣

杭州龍冊寺子興明悟禪師

温州雲山佛嶼院知默禪師

青原下七世鏡清慈禪師法嗣

越州青化師訥禪師

衢州南禪遇緣禪師

福州資福院智遠禪師福州人

衢州烏巨山儀晏開明禪師吳興許氏子乾符三年將誕之夕異香滿室紅光如晝光啓中隨父鎮信安強為娶而不願遂遊歷諸方機契境清歸省父母乃于郭南創別室以遂師志舍旁陳司徒廟有凜禪師像師往瞻禮失師所之後郡守展祀祠下見師入定于廟後叢竹間蟻蠹其衣敗葉沒胫或云是許鎮將子也自此三昧或出或入嘗為德嚴禪師摘桃浹旬不歸徃尋之見攀桃倚石泊然入定開運中入定于江即岩石龕一年徐起了無異容後圖事之者皆獲舍利錢忠懿王感師見夢

續文獻通考 卷之三百三十一  
適患目疾圖像展禮目疾隨愈端拱初迎入便殿禮送  
還山淳化元年寂壽一百十五闍維日白光燭天舍利  
五色邦人以骨塑像至今州郡兩賜禱之如響

青原下七世報恩嶽禪師法嗣

潭州妙濟院師浩傳心禪師

青原下七世安國瑄禪師法嗣

福州安國縣從貴禪師

福州白鹿師貴禪師

福州怡山長慶藏用禪師

福州羅山義聰禪師

福州永隆院彥端禪師

福州林陽瑞峯院智端禪師本州人初參安國見國舉一  
指示僧僧不悟而端已默省乃入室自白國然之開寶

元年八月遺偈曰來年二月二別汝暫相棄燒灰散四  
林免占檀那地至期果寂

福州僊宗院明禪師示衆曰若能紹得門風不在三界若  
出三界即壞三界若在三界即礙三界不礙不壞是出  
三界是不出三界

福州安國院祥禪師

青原下七世睡龍溥禪師法嗣

漳州保福院清谿禪師福州人臨寂時偈曰世人休說路  
行難鳥道牛腸咫尺間珍重苧谿谿畔水汝歸滄海我  
歸山即往貴湖卓庵命門人以遺骸施虫蟻勿置坟塔  
既而延留七日無虫蟻侵食遂就闍維散林野



青原下七世金輪觀禪師法嗣

南嶽金輪和尚

青原下七世白兆圓禪師法嗣

鼎州大龍山智洪弘濟禪師 襄州白馬山行雷禪師

安州白兆竺乾院懷楚禪師

蘄州四祖山清皎禪師福州王氏子清皎偈曰吾年八十  
八滿頭垂白髮顚顚鎮雙峯明明千江月黃梅楊祖教  
白兆承宗訣日日告兒孫勿令有斷絕

蘄州三角山志操禪師

晉州興教師普禪師

蘄州三角山真鑑禪師

郢州大陽山行冲禪師

青原下八世黃龍機禪師法嗣

洛京紫蓋善沼禪師

眉州黃龍繼達禪師

興元府玄都山澄禪師

棗樹二世和尚

鄂州黃龍智願禪師

嘉州黑水和尚

眉州昌福達禪師

青原下八世明招德譙禪師法嗣

處州報恩契從禪師

婺州普照喻禪師

婺州雙溪保初禪師

處州湧泉究禪師

衢州羅溪義禪師

青原下八世羅漢琛禪師法嗣

襄州青谿山洪進禪師

并州青涼縣休復悟空禪師北海王氏子幼出家十九納

續文獻通考

卷之三百五

三十五

三十五

戒依地藏經年不契直得成病因指燈籠有省天福八年致書辭國主定時入戒及期端坐而寂國主致祭茶毗收舍利建塔

撫州龍濟紹修禪師嘗言聲色不到處病在見聞言詮不及處過在唇吻又頌曰風動心搖樹雲生性起塵若明今日事昧却本來人

潞州延慶院傳殷禪師

衡嶽南臺守安禪師頌曰南臺靜坐一爐香終日凝然萬慮亡不是息心除妄想都緣無事可思量

杭州天龍寺清慧秀禪師

青原下八世天龍欽禪師法嗣

高麗雪嶽令光禪師

青原下八世僊宗符禪師法嗣

福州僊宗洞明真覺禪師 泉州福清行欽廣法禪師

青原下八世國泰智禪師法嗣

婺州齊雲寶勝禪師

青原下八世白龍希禪師法嗣

福州廣平玄旨禪師 臨州昇山白龍清泉禪師

福州靈峰志恩禪師 福州東禪玄亮禪師

漳州報劬院玄應定慧禪師晉江吳氏子刺史陳文顯勑  
院請師開法後自知道期先書謝陳公誠門人不得喪  
服哭泣言訖而寂

青原下八世招慶匡禪師法嗣

泉州報恩院宗顯明慧禪師

金陵龍光院澄忞禪師廣州人有僧新恭師問汝是江南  
來曾禮拜渡江船子否曰何為拜他師曰渡汝者是善  
知識

永興北院可休禪師

郴州太平院清海禪師

連州慈雲慧深普廣禪師

郢州興陽山道欽禪師

青原下八世報恩資禪師法嗣

處州福林澄禪師

青原下八世翠峰欣禪師法嗣

處州報恩守真禪師

青原下八世韓眉遠禪師法嗣

襄州鷲嶺通禪師

青原下八世龍華球禪師法嗣

杭州仁王院俊禪師

酒仙遇賢禪師長洲林氏子母夢大珠而孕七歲沉大淵  
衣不潤遂出家叅龍華發明心印回居明覺院惟事飲  
酒醉則成歌祥符二年寂

青原下八世延壽輪禪師法嗣

廬山歸宗道詮禪師吉州劉氏子雍熙二年寂

潭州龍興裕禪師

青原下八世保福禱禪師法嗣

澤州慈壽無逸禪師

青原下八世大龍洪禪師法嗣

鼎州大龍山景如禪師

鼎州大龍山楚勲禪師

興元府普通院從善禪師

青原下八世白馬靄禪師法嗣

襄州白馬智倫禪師

青原下八世白兆楚禪師法嗣

唐州保壽匡祐禪師

青原下九世黃龍達禪師法嗣

眉州黃龍禪師

青原下九世清谿進禪師法嗣

相州太平山從濟禪師

廬山圓通緣德禪師臨安黃氏子僧問如何是圓不遷曰  
地水火風曹翰渡江入寺禪者驚走師談坐如平日不  
起不揖翰怒詞曰長老不聞殺人不眨眼將軍乎師熟  
視曰汝安知有不懼生死和尚翰太奇加敬因問禪者  
何為而散曰擊鼓自集翰使人擊鼓無集者師曰公有  
殺心故耳乃自起擊之禪者畢集太平興國二年令門  
下累青石為拾曰他日塔紅吾再生言訖而逝謚道濟  
禪師

青原下九世清涼復禪師法嗣

昇州奉先寺慧同淨照禪師魏府張氏子



青原下九世龍濟修禪師法嗣

河東廣原禪師

青原下九世南臺安禪師法嗣

襄州鷲嶺善美禪師

青原下九世歸宗詮禪師法嗣

瑞州九峯義詮禪師

青原下九世隆壽逸禪師法嗣

隆壽法騫禪師泉州施氏子

青原下八世羅漢琛禪師法嗣

法眼宗

金陵清涼院文益禪師餘杭魯氏子希覺目為禪門游夏  
周顯德五年寂壽七十有四謚大法眼禪師塔曰無相

後李主舫報慈院命師門人玄覺為導師開法再謚大智藏大導師

青原下九世清涼益禪師法嗣

天台山德韶國師龍泉陳氏子遊天台覩智者顓禪師遺蹤有若舊居時謂陳智者後身開寶四年寶頂西峯忽摧師曰吾非久矣明年大星墮峯頂師乃寂于蓬華峯金陵清涼泰欽法燈禪師魏府人開寶七年寂

杭州靈隱清聿禪師福州人初參法眼眼指兩謂曰滴滴落在上座眼裏師不喻旨後因閱華嚴感悟

廬山歸宗義柔禪師

洪州百丈道恒禪師

杭州永明寺道潛和尚河中府武氏子初參法眼許其有

五百毘徒為王侯所重後駐錫于衢州古寺閱大藏經  
錢忠懿王命入府受菩薩戒署慈化定慧禪師建大迦  
藍號慧日永明請居之王嘗夢十六尊者乞隨師入寺  
而師果請塔下羅漢銅像過新寺供養王嘆其昭應

杭州報恩慧明禪師姓蔣氏初遊閩越回鄞水大梅山庵  
欲整玄沙正宗至漢乾祐中忠懿王延入府問法命住  
資崇院嘗與天龍資嚴辯詰王大喜署玄通普照禪師  
金陵報慈行言玄覺禪師泉州人江南國主建報慈院命  
師大闡宗猷海會二千餘衆別署道師之號

撫州崇壽院契稠禪師泉州人

金陵報恩院法安慧濟禪師太和人江南國主請居報恩

署號攝衆開寶中寂于本院

廬州長安院延規禪師

南康軍雲居山清錫禪師泉州人住泉州西明院有廖天使見供養法眼和尚直問曰真前何果曰是假果天使曰假果何為供養師曰祇要天使識得假

常州正勤院希奉禪師蘇州謝氏子

漳州羅漢智依宣法禪師

金陵鍾山章義院道欽禪師太原人初住廬山棲賢嘗曰道遠乎哉觸事而真聖遠乎哉體之則神

金陵報恩匡逸禪師明州人江南國主請居上院署疑密禪師

金陵報慈文遂導師杭州陸氏子嘗注釋楞嚴法眼問楞嚴八還義曰明還甚麼師曰明還日輪曰日還甚麼師無對眼令焚所注文師自此服膺請益始忘知解金陵國王署雷音覺海大道師

漳州羅漢院守仁禪師泉州人

撫州黃山良匡禪師吉州人

金陵報恩院玄則禪師滑州衛南人

金陵淨德院智筠達觀禪師河中府王氏子初住棲賢江南國主勅淨德院延請居之署達觀禪師後辭歸故山國主錫以五峯棲玄蘭若

高麗國道峯山慧炬國師

杭州真身寶塔寺紹巖禪師雍州劉氏子吳越王命師開  
法署了空大智常照禪師開寶四年寂

台州般若寺敬遵通慧禪師自述真讚曰真今廖廓郢人  
圖艘嶽聳雲空澄潭月躍

廬山歸宗策貞法施禪師曹州魏氏子

洪州同安院紹顯禪師 廬山棲賢慧圓禪師

洪州觀音院從顯禪師泉州人太平興國八年謂檀那袁  
長史曰老僧三兩日間歸鄉去袁曰和尚年尊何更思  
鄉師曰歸鄉圖得好盐吃袁不測所言翌日無疾生亡  
袁建塔西山

洛京興善樓倫禪師 洪州嚴楊新興院齊禪師

續文獻通考卷之三百五

三

三

潤州慈雲達禪師

蘇州薦福院紹明禪師

澤州古賢院謹禪師

宣州興福院可勲禪師建州朱氏子有偈曰秋江煙島晴

鷗鷺行行立不念觀世音爭知普門入

洪州上藍院守訥禪師

廬山化城寺慧朗禪師

杭州奉先寺法明普照禪師

杭州慧日永明寺道鴻通辯禪師

高麗國靈鑒禪師

荆門上泉和尚

廬山大林寺僧道禪師

池州仁王院緣勝禪師

青原下十世天台韶國師法嗣

杭州慧日永明延壽智覺禪師餘杭王氏子弱冠時不茹

輦日惟一食持法華經七行俱下纔六句悉能誦之感  
群跪聽往天台天柱峯九旬習定有鳥類斥鷃巢于衣  
攝中住雪竇有偈曰孤猿叫落中巖月野客吟殘半夜  
燈此境此時誰得意白雲深處坐禪僧忠懿王請開山  
靈隱新寺明年遷永明大道場居五載度弟子一千七  
百人開寶七年入天台山著宗鏡錄一百卷偈賦咏凡  
千萬言高麗國王執弟子禮餽奉甚隆彼國僧三十六  
人各承印記歸化一方開寶八年寂塔于大慈山

蘇州長壽院朋彥廣法禪師永嘉秦氏子

温州大寧院可弘禪師

杭州五雲山華嚴院志逢禪師餘杭人生惡葷血膚體香



潔嘗夢須彌山衆三佛初釋迦次彌勒惟不識第三尊  
釋尊謂之曰此是補彌勒處師子月佛後因閱大藏經  
乃符所夢吳越國王嘗召賜紫衣署普覺禪師命住臨  
安功臣院開寶四年大將浚超于五雲山剎院奉師為  
終老所師每携一大乞錢買肉飼虎虎每迎之載以還  
山雍熙二年寂塔于本院

杭州報恩法端慧月禪師

杭州報恩紹安通辯明達禪師

福州廣平院守威宗一禪師本州人

杭州報恩永安禪師温州翁氏子開寶七年跣跌而寂閣  
維舌根不壞柔輒如紅蓮華藏于普賢道場

廣州光聖院師護禪師閩人

杭州奉先寺清昱禪師永嘉人忠懿王召入問道初奉先  
居之署圓通妙覺禪師

台州紫凝普聞寺智勤禪師太平興國四年有旨試僧經  
業山門老宿各寫法名惟師不開書札時通判李憲問  
世尊還解書也無師曰天下人知淳化初安坐逝塔于  
本山三年後門人遷塔發龕儀容儼若髭髮仍長遂迎  
入新塔

温州鴈蕩山灝齊禪師錢塘江氏子

杭州普門寺希辨禪師蘇州人忠懿王命主越州清泰署  
慧智太平興國三年賜紫衣號慧明禪師端拱中還故

里賜御製詩至道三年寂塔于院之西北隅

杭州光慶寺遇安禪師錢塘沈氏子

台州般若寺友瞻禪師錢塘人

婺州智者寺全肯禪師初叅國師通名全肯國師曰汝肯何事師于言下有省乃禮拜

杭州龍冊寺曉榮禪師温州鄧氏子

福州玉帛義隆禪師

杭州功臣慶肅禪師

越州稱心敬璉禪師

福州巖峯師木禪師

潞州華嚴慧達禪師

越州清泰院道圓禪師

杭州九曲觀音院廣祚禪師餘杭人

杭州開化寺行明傳法禪師本州于氏子

越州漁浦開善寺義圖禪師

溫州瑞鹿寺上方遇安禪師福州人嘗閱楞嚴經到知見  
立知即無明本知見無見斯即涅槃師乃破句讀曰知  
見立句知即無明本句知見無句見斯即涅槃于此有  
悟有人語師曰破句了師曰此是我悟處畢生不易時  
號安楞嚴至道元年寂經三日門人啓棺覩師右脅吉  
祥而卧四衆哀慟師乃再起升堂說法呵責垂戒此後  
再啓吾棺者非吾子復入棺卧

杭州龍華寺慧居禪師閩人自天台領旨忠懿王命住上  
寺

婺州齊雲山遇臻禪師越州楊氏子

温州瑞鹿寺本元禪師本州鄭氏子泰天台國師有悟大  
中祥符元年命上足如晝造石龕中秋望日將順化至  
期參問如常奄開一目微視而逝

杭州興教洪壽禪師

蘇州承天永安道原禪師進景 傳燈錄

青原下十世清涼欽禪師法嗣

洪州雲居道齊禪師本州金氏子至道三年寂塔于本山

青原下十世靈隱肇禪師法嗣

杭州功臣院道慈禪師 慶州報恩院師智禪師

秀州靈隱院願照禪師錢唐人

衢州澈寧可先禪師 杭州光孝院道端禪師

杭州西山保清院遇寧禪師

杭州瑞龍院希圓禪師

福州支提雍熙辨隆禪師明州人

青原下十世歸宗柔禪師法嗣

南漢軍羅漢行林祖印禪師 明州天童新禪師

杭州功臣覺軻心印禪師

明州天童清簡禪師錢塘張氏子

青原下十世百丈恒禪師法嗣

廬山棲賢淨湜禪師 蘇州萬福德興禪師

越州雲門雍熙永禪師

青原下十世永明潛禪師法嗣

續文獻通考

卷之三百五十一

三五

三百七

杭州千光王寺環省禪師温州鄭氏子誦經既久夢日輪自空而降開口吞之開寶五年七月寶樹浴池忽見其前師曰凡所有皆是虛妄越三日安坐而逝闍維收舍利建塔

衢州鎮境志澄禪師

明州崇福院慶祥禪師

青原下十世報恩明禪師法嗣

福州保明院道誠通法禪師

青原下十世報慈言導師法嗣

南康軍雲居義能禪師

青原下十世崇壽稠禪師法嗣

泉州雲臺山令岑禪師

杭州資國圓進山主

淨土惟素禪師

青原下十世感恩安禪師法嗣

廬山歸宗慧誠禪師揚州人 廬山棲賢道堅禪師

青原下十世長安規禪師法嗣

潭州雲盖用清禪師河州趙氏子至道二年逝

廬州長安院辯實禪師

青原下十世雲居錫禪師法嗣

台州般若從進禪師 越州清化志超禪師

青原下十一世長壽彥禪師法嗣

蘇州長壽法齊禪師婺州人

青原下十一世雲居齊禪師法



明州瑞岩義海禪師雲川人

南康居契環禪師

杭州靈隱文勝慈濟禪師

明州廣慧志全禪師

明州大梅保福居煦禪師

荊門軍清溪清禪師

處州南明惟宿禪師

青原下十一世支提隆禪師法嗣

杭州靈隱玄本禪師

青原下十一世羅漢休禪師法嗣

臨江軍慧力院紹珍禪師

青原下十一世功臣軻禪師法嗣

蘇州吳江聖壽志昇禪師

蘇州堯峯顥暹禪師

杭州功臣開化守如禪師

青原下十一世棲賢湜禪師法嗣

杭州南山興教院惟一禪師 真州定山惟素山主

安吉州西余體柔禪師

青原下十一世淨土素禪師法嗣

杭州淨土院惟正禪師秀州華亭黃氏子幼從錢塘資聖  
院本如隸業且將較藝于有司如使鑄觀音像以求陰  
相師對曰豈忍獨私于已哉邑人朱紹安聞而嘉嘆毳  
袍且敝同列慢之有願輸奉歲時用度者又皆力辭愛  
跨黃犢出入平生製作三十卷號錦溪集又工書筆法  
勝絕秦少游珍藏之冬不擁爐以荻花作氍毹足其中  
客至共之夏秋好玩月盤膝大盆中浮池上自旋其盆

吟笑達旦有問曰師以禪名乃不談禪何也師曰徒費言語皇祐元年一日語衆曰吾動歷六十有四今靜矣動靜本何有泊然而逝

青原下十二世靈隱勝禪師法嗣

杭州靈隱延珊慧明禪師 常州薦福院歸則禪師

青原下十二世瑞巖海禪師法嗣

明州翠巖嗣元禪師

續文獻通考卷之三百五十一終